

Serghio Jansen Hoben y Talentoso 2013:

“E proyecto ta un tremendo iniciativa pa reconoce talento di nos hobennan cu ta destaca”



ORANJESTAD - Nos hobennan na Aruba mester ta un inspiracion pa otro. Dos aña pasa Gobierno, a inicia cu e proyecto Hoben y Talentoso unda a reconoce hobennan cu a destaca den diferente area. Nos por pensa riba innovacion, educacion, musica, arte, baile y deporte.

E hobennan aki tur ta dispone di un talento extraordinario pa loke nan ta haci y cu dedicacion a sa di destaca

na Aruba of den exterior den e areanan menciona. Un di e hobennan aki ta e musico gradua na e prestigioso Berkley College di Boston, Serghio Jansen.

Pa Serghio sigur e tabata un momento di orguyo cu a cuminsa cu e iniciativa pa reconoce nos hobennan cu ta destaca den nan area.

Pe ta algo hopi importante paso, bo ta wordo admira pa e trabou desplega y bo ta sigui traha cu mas gana na e desar-

oyo di bo mes y di otronan cu ta mira bo persona como un ehempel.

Pa Aruba mas cu claro e ta importante pa sa cu nos tin talento riba nos dushi isla.

E Hoben y Talentoso reconoci na aña 2013 a caba di regresa su isla natal despues di a biba algun aña na New York unda e la traha cu hopi artistanan grandi den e mundo di musica y awo e ta bek na Aruba pa sigui contribui cu e talentonan nobo. Actualmente

Serghio ta traha na Arubaanse Muziekschool unda e ta duna les na nos hoben musician. Pa loke ta su plannan pa futuro Serghio kier sigui desaroya nos hobennan pa nan por bira miho, duna conseho na cada uno, tambe traha cu diferente artista di Aruba pa mantene e musica local bibo.

Na final Serghio a duna su mensahe na cada un di e hobennan cu un dia lo kier destaca den loke e ta gusta haci; “Haci loke bo ta stima, desaroya bo talento y nunca no

rindi, miho so bo por bira. Cu perseverancia y pasenshi poco bo lo wak e frutanan”.

E hoben Serghio Jansen tambe lo forma parti di e All Star Band cu lo duna su presentacion e dia 4 di november proximo durante di entrega di e “Award Book Hoben y Talento 2015” den Cas di Cultura.

Pa esunnan cu kier sa un poco mas riba e proyecto Hoben y Talento por subi e facebook page na e link [facebook.com/hobenytalentoso](https://www.facebook.com/hobenytalentoso)